

zu gutem vnterricht habe ich dieses mein schreiben gestellet. Vnnd damit ich widerumb von der Hebammen/2c anhebe/so solle dieselbige ein erbaren frommen wandel führen / auch nicht schwere arbeit thun/ es geschehe nun in Neben/Ackeren/oder Gärten/ mit wesen/fügen/feuer vmbgehen/ oder was ihr sonst rauhe Hände machen könnte. Wenn nun ein solche Fraw were/ die sich mit diesen sachen ernehren müste / so stünde es einer Oberkeit oder sonst einer gemeinde wol an/ das man jr mit einer christlichen stewr behülfflich were / damit sie solche rauhe vnd schwere arbeit nit thun dürffte. Vnd damit ich die ding mit einer gleichnuß erkläre / so pfleget man reine saubere/ geschlachte vnnnd linde Hände zubhalten/ wenn man mit seiden / reinem Leinwacht/ Perlein oder goldarbeit vmbgehet/ wieviel mehr ist ein Mensch köstlicher vnd würdiger/ daß man in rein vnd sauber halte/ sonderlich wenn er noch so jung/ zart vnd vnderichtet ist / daß er nicht seinethalben klagen noch reden kan zu denen die mit jm etwas gröber vmbgehen / denn sein Natur vnd Leib noch zur zeit erleiden mag / höre auff mich zu vast trucken/ krätzen / stossen/ brennen vnd reiben/ vnnnd was arbeit seligkeit mehr ist / so manchem jungen Menschen zugesügt wird. Denn ich Mütterren

Wie die Hebamme Leibshalbe solle beschaffen sein.

Man muß mit zarten newgebornen Kindern behutsam vnd leiß vmbgehen.

vnd